



Inatsisartunut ilaasortaq,
Lars Poulsen, Siumut
Maani/

Tunumi qilalukkanik qernertanik pisassiissutit pillugit § 37 naapertorlugu apeqqummut nr. 037-mut akissut

Inatsisartut Suleriaasianni § 37, imm. 1 naapertorlugu *Tunumi qilalukkanik qernertanik pisassiissutit pillugit* Naalakkersuisunut apeqquteqarputit. Apeqqut suliaasaqarfigisannit akineqartussanngorlugu innersuunneqarpoq.

1. 2022-2023-milu qilalukkanik qernertanik nunatta kangiani pisassiinissaq pilersaarutigineqarpa?

Naalakkersuisut maannamut pisassiissutit 2023-p tungaanut annikiliartuaartinneqarnissaannut pilersaarutip allanngortinnissaanut, uumassusilerituut Tunumi qilalukkat qernertat pillugit nutaamik inassuteqaasiornikuunnginneri peqqutigalugit allanngortisisinnaanngikkallarput. Taamaattoq Naalakkersuisooqatigiit isumaqatigiissusiornerminni Tunumi Qaanamilu piniarnermut pissutsit pillugit immikkut iliuuseqarnissamik aqqutissiuisoqarnissaa misissuiffigissallugu isumaqatigiissuteqareerput. Taannalu aallaavigalugu Naalakkersuisoqarfimmi suliaqassaagut nalilersuutinik pisassiissutinut attuumassuteqarsinnaasunik ilalik. 2023 ilanngullugu pisassiinissamik pilersaarut takuuk, tabeli 1 ataani allassimasoq takuuk.

Tabeli 1: Tunumi qilalukkat qernertat aqutsiveqarfimmi ataasiakkaani agguataarnerat

Aqutsiveqarfik	Zone	2019-imi pisassiis sutit	2020- imi pisassii ssutit	Pisassii ssutit 2021	Pisassiis sutit 2022	Pisassiiss utit 2023
Ittoqqortoormiit	7	50	40	25	15	10
Kangerlussuaq (Tunu)	8	-	-	10	15	10
Tasiilaq	6	16	10	5	0	0
Tunu tamakkerlugu		66	50	40	30	20

Pisassiissuteqarnissamut pilersaarut aalajangiussaq malillugu 2022-mi Ittoqqortoormiit Tasiilarlu qilalukkanik qernertanik 15-inik tamarmik immikkut pisassinneqassapput 2023-milu tamarmik immikkut 10-nik pisassinneqassallutik. Aqutsiveqarfimmili Tasiilami pisassiissutit Kangerlussuarmi pisarinissaat piumasaqaataavoq, inassuteqaammik allamik saqqummertoqanngippat.

2023 nallertinnagu inassuteqaammik allamik saqqummiussisoqanngippat, pisassiifiusumut 2023-imut aamma 2024-mut aqqissuussamik allamik aalajangiisoqassaaq.

Tunuliaqutaasoq pillugu paasissutissat

2017-imi uumassusilerituut inassuteqaamminni Tunumi immikkoortuni pingasuni qilalugaqarfiusuni qilalugaqatigiit annikilleriarsimanagerat pissutigalugu qilalugartassiissutit ikilineqarnissaat inassutigaat. Pisassiissutissanik inassuteqarnerminni inassutigineqarpoq, Ittoqqortoormiini qilalukkanik qernertanik pisassiissutit 10-nut, Kangerlussuarmilu qilalukkanik qernertanik pisassiissutit 10-nut aalajangiunneqassasut, kiisalu allorniusap 68°N-ip kujataani pisaqartoqannginnissaa, tassa imaappoq Tasiilap eqqaani pisaqartoqassanngitsaq. Tasiilami 2017-imi qilalukkanik pisassiissutit 40-nut aalajangiunneqariarlutik 2018-imi 16-it pisassiissutigineqarput Ittoqqortoormiinilu 2016-imi pisassiissutit 66-iniit 2018-imi 50-inut aalajangiunneqarlutik.

2019-imi NAMMCO-p Iisimatuussutsikkut Ataatsimiititaliaata suleqatigiissitaliaanit uumassusilerituut innersuussutaat nutaaq takkuppoq. Nalunaarusiaq una NAMMCO-p 2017-imi qilalukkat qernertat pillugit inassuteqaatiginikuusaanit sukannernerusumik inassuteqaammik imaqarpoq, matumani Tunumi tamani pisaqartoqannginnissaa innersuussutigineqarluni, qilalukkat qanorluunniit piniarneqarnerminnik attassisinnaannginnerat pillugu uumassusilerituut aalajangiusimmata. 2020-mi biologinit inassuteqaat tiguneqartoq 2019-imi Tunumi tamarmi pisassiissuteqartoqannginnissaanik inassuteqarneq uteqqiinnarpaa.

2019-imi qilalukkat qernertat pillugit Tunumi ilisimatuussutsikkut inassutigineqartut tunuliaqutaralugit 2. januar 2020-mi Naalakkersuisut qilalukkanik qernertanik pisassiissutit 2023-p tungaanut ukiut tamaasa ikiliartortinneqarnissaat aalajangiuppaat. Pisassiissutit annikitsukkaamik ikiliartortinneqarnerannut, immikkoortuni taakkunani pineqartuni neqinik pilersuineramik kiisalu piniartut 2019-imiit 2023-mut piniakkaminnik naleqqusaanissamut periarfissaqarnissaat siunertarineqarluni.

2021-mi marsimi NAMMCO-p ukiut 28-ssaanik ataatsimiinneq internetikkut ingerlappaa, tassanilu uumassusilerituut 2019-imi 2020-milu nalunaarusiaat oqaluuserineqarlutik. Piniartut ilisimasaat, uumassusilerituut Tunumilu piniartut akkerliittumik naliliinerat ilanngunniarlugit APN-ip Tunumi piniartut suleqatigisimavai, tassani piniartut ilisimasatik, assit nunallu assingi atorlugit, NAMMCO-p ukiumoortumik ataatsimiinnerani aqqis-suulluakkamik saqqummiullugit. Tassani ilisimatuussutsikkut misissuinerit inassuteqarnerillu piniartut ulluinnarni sumiiffimminni takusaannut naapertuutinnginnerat takutinriarneqarpoq. Piniartut uumassusilerituullu qilalukkat qernertat pillugit assigiinngit-sorujussuarnik nalileereernerisa kingorna NAMMCO-p piniartut uumassusilerituullu akornanni pitsaaneruserumik suleqatigiinnissaa kaammattuutigivaa.

Inussiarnersumik inuulluaqqusillunga



Aqqaaluaq B. Egede

Aalisarnermut Piniarnermullu Naalakkersuisoq